




36 لايك

و 12 كومت



أحمد عاطف مجاهد
2998 mutual readers

+ Add writer

تحميل الكتاب بجودة عالية
ابحث عن

ريبع الكتب
book-spring.com

36 لايك و 12 كومنت

من واقع حسابات الفيس بوك المصرية



أحمد عاطف مجاهد
2998 mutual readers
Add writer

36 لايك و 12 كومنت
أحمد عاطف مجاهد

الغلاف والإخراج الفني:
إهداء من الكاتب لنفسه :

التدقيق اللغوي:
لغة عربية: حسام مصطفى إبراهيم
مصطلحات إنجليزية: زينة جامع

الموزع:
الرواق للنشر والتوزيع
01147379183

الطبعة الأولى يناير 2012
الطبعة الثانية مايو 2012
الطبعة الثالثة يناير 2013

رقم الإيداع: 2011/21902
ISBN: 978-977-5153-13-5

© جميع الحقوق محفوظة للمؤلف وأي اقتباس أو إعادة طبع أو نشر في أي صورة كانت ورقية أو إلكترونية أو في وسيلة سمعية أو بصرية دون موافقة كتابية، يعرض صاحبه للمسائلة القانونية.

Nudge

إلى كل فيسيوكاوى يرقد أمام لابتوبه

Info

My Account

P. 139

بروفایل الكاتب

Poke

P. 145

شكر خاص يعني (:)

Log out

P. 149

((: ♥ (F)

Info

P. 7

محتويات الكتاب

Private message

P. 11

رسالة إلى مارك زوكربيرج

Profiles

P. 21

عن بروفايلات البنات

P. 33

عن بروفايلات الولاد

Notes

P. 47

ملك الكبدة

P. 51

برمجة

P. 55

تأميم الفيس بوك

P. 61

عن آداب ال Remove

P. 65

النذاهة الفيسبوكية

P. 69

سايكو بوك

P. 79

قصائد فيسبوكية

P. 87

الفيس بوك فى عصور "ما قبل الفيس بوك"

P. 99

أمثال فيسبوكية

P. 105

حصّة تربية فيسبوكية

P. 113

بزه الصندوق

P. 117

أرواح فيسبوكية

Chatting

P. 123

تأملات فى الشات

P. 127

جمل البنات والولاد على ال Chat

Private message

رسالة إلهي مارك زوكربيرج (مؤسس موقع الفيس بوك)
الذي يأخذ من وقتنا ساعات ليحوّلها إلهي دولارات

عزيزى مارك

عادةً تكتب مقدمات الكتب إلى القارئ، ولكننى قررت أن أكتب مقدمة كتابى إليك، فأرجو أن يتسع إن بوكسك لكلامى.

أكتب لك من أمام لابتوبى المتواضع، أنا أحمد عاطف مجاهد أحد مستخدمى الفيس بوك فى مصر ولا أخفى عليك يا مارك أننى لست من مستخدمى موقعك فحسب، بل إننى أعتبر نفسى من مدمنيه.

أنا من الذين يحرصون على فتح صفحاتهم الشخصية بمجرد وصولهم إلى العمل، حتى قبل فتح ملفات العمل نفسه.

أنا من الذين يحكمون على أخلاق الفتاة من خلال نوعية الصور التى تضعها فى بروفايلها، وطريقة التعليقات المتبادلة بينها وبين أصدقائها.

أنا من الذين يقومون "بتطبخ" ما بداخلهم من أفكار ومشاعر ليظهروا بشكلهم ورائحتهم الشهية فى صفحة الـ Home.

أنا من الذين يعتقدون أن الله يوزع حسنات مجانية على أعضاء الصفحات الدينية، وأن كتابة دعاء فى الـ Status من وقت لآخر كافي لإرضاء ربهم عنهم.

أنا من الجيل الذى أطلق الضربة الفيسبوكية التى أطاحت بصاحب الضربة الجوية وحكومته وأجهزته الأمنية، فى أول ثورة إلكترونية سجلها التاريخ.

أنا من الذين كانوا يعتقدون أن الشخصية العامة هي التي تراها في التلفزيون، أو تسمع عنها في الراديو، أو تقرأ عنها في الجرائد، ثم وجدوا أنفسهم في مجتمع افتراضي يسمح لأي شخص أن تكون له صفحة تضم معجبيه، دون وجود سبب مقنع لهذا الإعجاب، غير أن صاحب الصفحة قرّر ذلك.

أتعلم يا مارك؟.. من فرط تعايشي وإدماني لهذا العالم الافتراضي، أصبحت أتخيل خيالات فيسبوكية - يُهيا لى على هامش شعوري للحظات أني يجب أن أضع الباسورد الشخصي عند فتح باب غرفتي، أو فتح درج مكتبي، أو فتح أى شيء قابل للفتح - أسمع الصوت المعتبر عن قدوم رسالة جديدة عبر الشات، فأتلقت حولي ولا أجد شيئاً - أفكر فى شراء سبّورة ووضعها فى الصالة لأتعامل معها معاملة ال wall، وأكتب عليها لأبى ما لا أجرؤ أن أقوله له وجها لوجه (أنا بحب أفتح التلاجة وأقف أشرب قدامها).

أتعلم يا مارك؟.. يوجد مشهد فى فيلم "أه من حواء" -أحد أفلامنا المصرية الشهيرة- يتتور فيه لبنى عبد العزيز ويتغضب، لأن رشدي أباطة تصفح اليوم صور طفولتها بدون إذنها، ويتقول له بمنتهى الحزم والشدّة: "إنت إزاي تسمح لنفسك تقلب فى اليوم عائلى"، صحيح هو استغفّرها لما قال لها إن الصورة "على طبيعتها خالص وبلبوس" لكن هذا لا ينفي أنه كان هناك حُرمة للصور الشخصية قبل اقتحام موقعك لحياتنا.

أتعلم يا مارك؟.. عدد المنضمين إلى صفحة «صلاة الفجر» أكثر من عدد المحافظين على أداء صلاة الجمعة!

أنا من الجيل الذى جعل الفيس بوك لديه القدرة أن يعرف مصير حبّ القديم، فيبحث عن محبوبته التى فُرقت بينهما الأيام ويقوم بإضافتها، ثم يُشعر نفسه من وقت لآخر إن جوزها دمه ثقيل وما يعرفش.. يضحك فى الصور.

أنا من الذين سيعلمون أولادهم أن الفيسبوكاوى الأصل ملوش كلمة ويمكن لحسن كلامه فى أى وقت ويضغط Remove.

أنا من الذين يشاركون فى الحياة السياسية من خلال الكمبيوتر، ويقومون بنشر معلومات وأشياء أخطر من المنشورات التى كان البوليس السياسى يصادرها، ولكن.. مين ده اللى يقدر على ملاحقة ال Copy & Paste!

أنا من الذين أصبحوا مُعرّضين للفضيحة فى أى وقت، فيكفى لأى شخص تريد أن تفضحه أن تسجل له فيديو وهو يرقص أو يغنى أو حتى وهو يتكلم كلاما عابرا، ثم تكتب فى خانة تعريف الفيديو "ضحك السنين"، فيصبح هذا الشخص -فى خلال ساعات معدودة- حديث جميع الأوساط الفيسبوكية.


أنا من الذين يتورون طول الوقت على التغييرات التى تحدث فى شكل البروفايل والHome، ثم يهدأون بعد أن يتعودوا على الشكل الجديد، ويكتشفوا أن التغيير كان تطوريا مدروسا، ولكننا فى مصر نقفل نار اللى نعرفه عن جنة اللى ما نعرفوش!

أنا من الذين تروّوا على جملة "أنا لما كنت فى سنك" التى ظل الآباء يرددونها سنين طويلة، ويتّعون بطولات بهدف تشجيع أولادهم، ثم جاء ال Time Line لينسف هذه الجملة التربوية.

Wall Photos

Back to Album · Book Photos

Previous Next



Private message to Mark Zuckerberg (:)

From Book Album:
Wall Photos

Share

Tag This Photo

Report This Photo

Private message

رسالة إلى مارك زوكربيرج

أتعلم يا مارك؟.. نيرمين صاحبة سارة، أخت تامر اللي عندي في الفريندز، لما لبست الحجاب ماعرفتش تلم صورها قبل الحجاب، والموضوع ده تسبب في مشكلة كبيرة بينها وبين وائل خطيبها.. وكانت النتيجة إنها فسخت الخطوبة ورجعت فلعنت الحجاب تاني.. وبرضه ماعرفتش تلم صورها وهي محجبة، عشان تتجنب التعليقات على تخليها عن الحجاب.

لا أحفي عليك ما أشعر به في الفترة الأخيرة، حيث أصبحت أشعر أنه لا توجد فائدة من عدد الساعات المُهدرة يوميًا لمتابعة حسابي الشخصي، أنت يا مارك أكثر شخص مستفيد من كل دقيقة بتضيع من وقتي، ولا أريدك أن تفسّر كلامي بشكل خاطيء، أو تعتقد إنني بنفسن عليك -لا سمح الله- عشان إنت عديت وأصبحت من أعنياء العالم، على الرغم من إنك أصغر مني سنًا، وأنا لا أزال أترك عملاً وأذهب إلى عمل آخر، من أجل بضع مئات من الجنيهات فرقًا في الراتب، بل إن هناك أشخاصًا آخرين لا يجدون العمل أصلاً، وهذه الفئة بالتحديد هي أكثر فئة تستخدم موقعك بشراهة.

لن أطيل عليك أكثر من ذلك ولكن قبل أن أنهي رسالتي، أريدك أن تعلم أن هذا الكتاب ليس دراسة علمية، ولم أكتب فيه أي إحصائيات أو أرقام عن الفيس بوك، لأنني مش هجيب التايهة يعني لما أتكلم عن أرباحه السنوية، أو عدد مستخدميه.. وبالتالي أنت أعلم مني بذلك.. ولكن ما لا تعلمه يا مارك أن بداخل موقعك أكوادا لا تعرف أنت ومبرمجوك عنها شيئًا، إنها أكواد تضعها الشعوب، ولا يفهما سوى أبنائها، عزيزي مارك.. ستجد في هذا الكتاب الفيس بوك، ولكن من واقع حسابات الفيس بوك المصرية.

Profiles

تعدّدت البروفائيات والڤيس بوك واحد

Girls You May Know ;)

عن بروفايلات البنات





Shery Ali

#Lives in Cairo, Egypt #In a relationship with kimoo0o



Share: Status Photo Link Video

What's on your mind?

Wall
Info
Photos (235)

In a relationship with
kimoo0o

Family
Ana msh Rana
Sister
Zika Mazika
Brother
Mina Nagy
Brother
Ahmed M
Brother

Suggest Friends
Unfriend
Share Profile
Report/Block This Person



Shery Ali

OMG !! Ezzay El Song Deh Telwa Awj kedaa!!!

Temo Teto - Tobebe
www.youtube.com

13 seconds ago · Like · Comment · share



Shery Ali was tagged in Ana msh Rana's album.

My Surprise Bday
3 New Photos

32 minutes ago



kimoo0o

Inbox f.. Btw, gamba el profile pic deh xD
44 minutes ago · Like · Comment

Ana msh Rana

Mwaaaaaaahh ♥
about an hour ago · Like · Comment

Shery Ali likes this.



Shery Ali (4)

47 minutes ago · Like

Write a comment...

Profiles

عن بروفايلات الثبات

الفيسبوكاوية ال Cool:

تشعر دائما وأنت تتابع بروفايلها إن "مفبش مشاكل خالص"، وإن السنة كلها أجازات وخروجات وأعياد ميلاد، لدرجة تجعلك تتخيل أن المتظاهرين في ميدان التحرير - وقت الثورة- كانوا يرتدون ملابس البحر، وعساكر الأمن المركزي يقومون على خدمتهم، وتقديم عصير القصب "الفريش" لهم وقت الظهيرة.

صورة بروفايلها تكون إما مع أنتيمتها وإما وهي سابقة عربيتها، أو صورة من أرشيف أعياد الميلاد مع اللبالين، أو صورتها وهي بتتخبط على الأرض في ميدان الكورية.

تعبّر عن إعجابها بجملة "جامد آخر حاجة"، أما في حالة زيادة هذا الإعجاب، تتحول جملة الإعجاب إلى "جامد فشح"، مع ملاحظة إن كلمة "فشح" لم يكن يليق كتابتها علناً منذ فترة ليست بعيدة، ولكنها بدأت تعد من الكلمات الدارجة، وتُفصّل كتابتها "Fash7"، وفي رواية أخرى Fash5.

تجيد التحدث بلغة الفرانكو أراب بطلاقة وكتابة الرموز (♥).

لا تخفي ارتباطها العاطفي، فتكتب بكل شفافية عن حالتها العاطفية (In a Relationship with Kimoo0o).

ال Status المفضلة: bgd kan youm to7fa luv u Guys

Sahar Helmy +1 Add Friend

ⓘ Sahar only shares some information publicly.
If you know Sahar, add her as a friend or
send her a message.



Wall

Info

Photos

Sort/Back This Person

Profiles

عن بروفايلات البنات

الغيسبوكاوية أم العيال:

- تكون صورة بروفايلها لأحد أبنائها، أو صورة زفافها، عشان تفنكر دايما شكلها قبل الحمل والولادة، ومرحلة ما قبل تفضيل البامبرز على المصاريف الشخصية.
- معظم قائمة أصدقائها بتكون من البنات، نظرا لأن جوزها بيغير عليها جدا، فهي لا تقبل إضافة أى حد، إلا لو كانت هى وجوزها أصحابه من أيام الكلية، فيقول هذا الشخص شرف الإضافة من منطلق إنه مش غريب وفى مقام صديق العائلة.
- تنشئ حسابا باسم ابنها أو ابنتها، وتقوم بإضافة كل أصحابها على أساس إن الولد أو البنت لما يكبروا يلاقوا الغيس بوك بتاعهم موجود وجاهز وبالفرييندز كمان، يا دوك يغيروا ال Password ويبداوا حياتهم الغيسبوكية.
- غالبا بيكون عندها ألبوم صور بيحمل أحد هذه الأسماء: (سلومة - ملوكة - كيكو - my sweetie - my Family)
- تعيش لعبة ال Farmville، وخصوصا إذا كانت لا تعمل (ما هو جمع المحصول محتاج متابعة برصه) ولكنها تفضل ال Waka-waka فى أوقات أخرى.

بثينة عزمي

#Married #Born on October 3, 1958

Share: Status Photo Link Video

What's on your mind?



Shery Ali

Welcome sweetie ♥♥

3 hours ago · Like · Comment



مزن الشبع

سعيد بمروري على موقعك الشخصى بالفيس بوك
لحياي... مزن

4 hours ago · Like · Comment



Princess Tahany

طب بثينة نورى الفيس بوك.. وحشتيبيبييني

8 hours ago · Like · Comment



مزن الشبع

بثينة عزمي is married.

♥ Yesterday at 11:20pm · Like · Comment



Princess Tahany

Listed Sahar Helmy as her Daughter

♀ Yesterday at 3:27am · Like · Comment

RECENT ACTIVITY

بثينة عزمي is now Friends with Shery Ali
and 4 other people.

RECENT ACTIVITY

بثينة عزمي changed her Profile Picture.

بثينة عزمي is now using Facebook in العربية.

بثينة عزمي joined the Egypt network.

بثينة عزمي joined Facebook.

There are no more posts to show.

Profiles

عن بروفايلات البنات

فيسبوكاوية الزمن الجميل:

هى فيسبوكاوية من الجيل القديم، قررت دخول عالم الإنترنت ومعرفة خباياه، وغالباً سيكون السبب الرئيسى فى هذا إن أحد أبنائها مقيم فى بلد بعيد، فيكون الفيس بوك بالنسبة لها المتنفس الوحيد للاطمئنان بصفة مستمرة على أولادها وأحفادها.

تفضل استخدام الفيس بوك باللغة العربية، وتكره لغة الفرنكو أراب (تعتبرها لغة حديثة اخترعها الشباب لتجنب الأخطاء الإملائية).

تتابع تعليقات وصور أبنائها، وتشارك من وقت لآخر بتعليق يحمل حماساً وتشجيع الأم.

تشعر وأنت تشاهد بروفايلها كأنك تشاهد الفيس بوك بألوان رمادية هادئة، أو كأنك رأيت سيارة 1٢٨ لونها أسود مكتوب على لوحاتها المعدنية "جُمرَك السويس".

ال Status المفضلة "أمورتى الحلوة بقت طعمة ولها سحر كبير"، نكتها للتعبير عن مدى فرحتها وأعجابها بابنتها اللى دائماً بتشوفها أحلى بنت فى الدنيا.

تضع صور أولادها وأحفادها وأحياناً أحد إختوتها، ولكن نادراً ما تضع صورة لزوجها.

Boys You May Know :D

عن بروفايلات الولاد





الشاعر مدحت جدا

#Worked at شاعر غنائي #Studied at جامعة عين شمس
#Lives in Cairo, Egypt #Born on January 12, 1963



Share: Status Photo Link Video

What's on your mind?



الشاعر مدحت جدا
ألى أنا مش فاعمه
ويش عارفه
ومش داخل أبدا مخي...
إنه تسبيني
في السبينا
ولفومي عشاق

See More

55 minutes ago · Like · Comment

Princess Tahany likes this.

Write a comment...

RECENT ACTIVITY

Like محبي الشاعر الرابع مدحت جدا likes الشاعر



الشاعر مدحت جدا
الحب كالجيم. يهخي الجسم بلم. ويهخي القلب نشيط. قلبي في
ناره يهشيط. وأنت يا حبيبي عامل فيها مهم... مدحت جدا
Yesterday at 9:28am · Like · Comment

Princess Tahany likes this.

Princess Tahany likes this.
18 hours ago · Like

Write a comment...

RECENT ACTIVITY

Like إلى الأمام يا أحمد ملحن في مصر وأملني يكون فيه شعر!
on Composer Temo Teto's Wall.
See Friendship

- Wall
- Info
- Photos (10)
- Questions
- Notes
- Friends

Friends (63)



Shahr Moshour



Shery All



Mzn Elvieg



Kimoo00



Princess Tahany



Mdam Heier



Sahar Helmy



Btina Hozm



Alai El mansour

Suggest Friends
Unfriend
Share Profile
Report/Block This Person

Profiles

عن بروفايلات الولاد

الفيسوكاي صديق النجوم:

• تمثل له إضافة المشاهير والنجوم نوعا من أنواع السعادة لأنه أصبح بإمكانه التواصل مع نجمة المفضل، وإرسال رسالة خاصة له على الـ Inbox وتما يشاء.

• قد يكون هذا الفيسوكاي صاحب موهبة ما، فيعتبر إضافة النجم خطوة في طريقه للوصول إلى حلم الشهرة، في الوقت الذي يبحث فيه هذا النجم عن توسيع دائرة نجوميته من خلال الفيس بوك، فتصبح العلاقة بين الاثنين معقدة، ولا ينتج عنها سوى تأفف النجم ونفسنة صاحب الموهبة.

• لا يكتب اسمه دون إضافة موهبته قبل الاسم، فيكتب مثلا (الشاعر الغنائي - الكاتب والسناريست - الملحن - المطرب - الفنان - الموزع الموسيقي - المخرج - الفيلسوف).

• دائما يتحدث عن الناس التي تتبعته له ع الخاص، وإن "الخاص" الذي يتحدث عنه هو ما نعرفه نحن بالإنبوكس.

• له صفحة تحمل اسمه، يقوم بعمل شير لها يوميا.

• يستخدم الفوتوشوب بشكل بدائي، فيقوم بعمل بوسترات تشبه تصميمات أستديوهات التصوير الرديئة.. ويضع فيها صورته، ويجانبها اسمه وموهبته ولقبه.



عزّن الضبيع

#Worked at مهنتس جر #It's complicated
#Born on September 25

ana eh
benesbalk?!



هل ليك الهواة
الاول اسم من نص
؟؟؟؟؟؟

Share: Status Photo Link Video

What's on your mind?

RECENT ACTIVITY

- وطاڤه بعزيزيان بالأفوان عزّن Like
 on Princess Tahany's link.
 photo. سمام صبير on "ألى الله"
 on Adel El monadel's Note "مش فاعم".



عزّن الضبيع was tagged in Princess Tahany's album.

ana eh
benesbalk?!

Wall Photos
 عبارة رأيكم بصراحة و بجد مش مزعل
 خالص

42 minutes ago

RECENT ACTIVITY

دعرفك and مزعل are now Friends. Like . Comment

دعرفك likes this.

Write a comment...



عزّن الضبيع

72%
love
Score!

عزّن has 72% love percentage
today .

8 hours ago . via Love Box Like . Comment
 . Check your love

RECENT ACTIVITY

- عزّن changed his Work Info . Like . Comment
 عزّن changed his Profile Picture.

Profiles

عن بروفايلات الولاد

الفييسوكاوى غير الفييسوكوى:

- هو شخص دخل الفييس بوك عن طريق الخطأ، لذا تجده يتعامل مع صفحته الشخصية نفس معاملة الـ CV فيكتب سيرته الذاتية بإخلاص، كأنه يقوم بالتقدم إلى وظيفة.
- صورة بروفايله تشبه صورة الباسور إلى حد كبير، وقد يضع نفس الصورة مكررة مرتين أو ثلاثة فى الـ Profile Pictures دون ابداء سبب مقنع لهذا التكرار.
- لا تشعر بوجوده تقريبا، فهو قليل المشاركة، ويفضّل متابعة أصدقائه فى صمت.
- لا يجيد التفرقة بين صفحة "الفان" والصفحة الشخصية، وهذا يفسر تصرفه حينما ينضم إلى صفحة "محبى دنيا سمير غانم" ويكتب على الـ Wall "شكرا على قبول طلب الصداقة، وتحياتى للوالد".
- زيون دائم لجميع الصفحات اللى من نوعية "لو جمعنا مليون واحد هنقدر نقلل الفييس بوك فى أوقات الصلاة" طبعاً ده مش اسم صفحة حقيقية، بس أعتقد إنها هتنجح لو حد فكر يعملها.. ليه ما تكونش إنت الحد ده؟



- Wall
- Info
- Photos (258)
- Subscribers (8,90)
- Notes
- Friends

Tends (1859)

- Asel El monadel
- Shery All
- عزى الصنيع
- kimoo00
- الشاعر مدحت جدا
- مدام هيبير
- Sahar Helmy
- Princess Tahany
- بنينة هزنى

Suggest Friends
 Friends
 Profile
 Logout/Back This Person

Shahier Mashhour

#Studied at Cairo University #Lives in Cairo, Egypt



Wall



Shahier Mashhour

اكتشف ان كل حاجة حلوة حصلت في حياتي كانت صدفة.. وكل فرصة ضاعت مني.. كان سببها اني ما بيقاش مستعد للصدفة.. الفرصة دائما بتيجي بالصدفة.. خليك مستعد
 3 hours ago · Like · Comment

85 people like this.

View all 52 comments 9 shares

Write a comment...



Shahier Mashhour

الاس الجميلة اللي بتقابلها في حياتنا.. رزق من عند ربنا
 5 hours ago · Like · Comment

50 people like this.

View all 36 comments 11 shares

Write a comment...



Shahier Mashhour

اللي بيدور على نفسه بزه نفسه.. رى اللى بيدور على نهاره وهو لايسها.. مهما دور مش هيلانها!
 8 hours ago · Like · Comment

118 people like this.

View all 46 comments 35 shares

Write a comment...



Shahier Mashhour

عندي مقابلة مهمة اوى بكرة.. ادعوني
 20 hours ago · Like · Comment

85 people like this.

View all 46 comments

Write a comment...

Profiles

عن بروفيلات الولااد

الفيستوكاوى الكاريزما:

• مدون أو كاتب أو فنان فى أى مجال.

• نسبة أصدقائه الحقيقيين لا تتعدى ٢٠% من قائمة أصدقائه، والباقي متابعون له ولأعماله.

• إستاتيوساته لها جاذبية خاصة، تجعله قادرا على أن يكتب "رورر يا فيجل"، ومع ذلك يجد من يترك له تعليقا مكتوبا فيه "أنا فاهم قصدك على فكرة ويجد إنت فنان محترم".

• يشعر متابعونه بغيابه، فيذهبون إلى صفحته للتعرف على سبب اختفائه عن ال Home، وتصله رسائل كثيرة بهدف السؤال عنه، ثم يعود ويشكر فى إستاتيوس كل من اطمأن عليه وقت غيابه.

• حاضر الذهن فى التعليق على الأحداث، وإن لم يجد حدثا يُعلق عليه، يكتب جملة تعبر عن فلسفته الذاتية.

• من وقت لآخر يقوم بفلتره الناس الللى عنده، وقد يؤدى ذلك إلى مسح أشخاص لا يجيدون التعبير عن أنفسهم، ولا يقومون بالتعليق على مشاركاته، ولكنهم متابعون جيدون له، فيكون ذلك مؤسفا لهم.

• يعتبر نفسه صاحب شو فيستوكاوى، وجمهوره يصفق له من خلال اللايكات والكومنتات.. وقد تأخذه جلاله النجومية من وقت لآخر، ولكنه سرعان ما يعود إلى رشد.

Notes

ملك الكبد

مش كل من عمل لنفسه صفحة فان.. هنقول له يا فان

والحكاية هي أننى منذ نعومة معدتى، قبل أن تبدأ بطنى في استضافة أكالات الشارع بأنواعها، من عربات الفول ومحللات الكشرى وساندويتشات الفينو المحشوة بأنواع اللحوم المختلفة، كانت فى طريق مدرستى الابتدائية عربية كيدة مكتوب عليها (ملك الكيدة)، وكانت رائحة الكيدة تظل فى أنفى حتى بعد أن أذهب إلى البيت، بل وكثيرا ما كنت أحلم بعم عطية يقدم لى ساندويتش الكيدة فى الطبق البلاستيك ويجواره بعض الخيار والجزر المخلل، وظل هذا الحلم يراودنى كثيرا، ولكن تعليمات أمى ونصائح كتب الوزارة بالابتعاد عن الباعة الجائلين، كانت تحول بينى وبين تحويل الحلم إلى حقيقة.

إلى أن جاء يوم لم أستطع فيه مقاومة رائحة الكيدة، فأقدمت على عم عطية وطلبت منه أول ساندويتش كيدة فى حياتى، وكنت فى غاية الانبساط لأننى أخيرا سأكل الكيدة من عند ملك الكيدة شخصا، ولكنى اكتشفت -فيما بعد- أنه لا توجد عربية كيدة فى مصر، إلا ومكتوب عليها (ملك الكيدة)، فهناك ملك الكيدة فى رمسيس، وآخر فى مصر القديمة، وثالث فى وسط البلد، وكثيرون فى كل مكان، وكل عربية لها "الغانز" بتوعها!!

لا أزال حتى اليوم أتساءل.. من هو ملك الكيدة الحقيقى؟.. كما أتساءل، من هو صاحب الفنان الفنان؟.. لأنضم إلى صفحتى دون أن يحدث لى تلبك عقلى!

كلما رأيت الـ Fan Pages التي تحمل أسماء أشخاص لا أعرف ما حجم إنجازاتهم ليعتبروا أنفسهم من الشخصيات العامة وينشئوا صفحة تضم معجبيهم، أتذكر نظرية "ملك الكيدة".

ما هذا الكم من الألقاب التي يمنحها أصحاب الصفحات لأنفسهم، فتجد الكاتبة الجريئة.. والمطرب الحساس.. والصحفى اللامع.. والكاتب الرائع.. والرسام العبقري.. فى حين أن المشاهير والفنانين الحقيقيين لا يحتاجون إلى إضافة صفات تجميلية قبل أو بعد أسمائهم.

إن إضافة كلمة "الفيلسوف" قبل اسم "صلاح جاهين"، لن يزيد من قدر هذا الرجل شيئا، لأن "صلاح جاهين" فى حد ذاته يعنى صفات وأشياء ومعانى كثيرة، تتبادر إلى ذهنك بمجرد سماعك اسمه دون إضافات.. وهذا هو الفرق بين فنان قيمته فى فنه، وفنان قيمته فى الصفة التى تسبق اسمه.

كل هذا يجعلنى أفكر.. وأفكر.. فى نظرية «ملك الكيدة» وهى ليست نظرية علمية أو حقيقة معترف بها من قبل أى جهة، ولكنها نظرية شخصية لها حكاية قديمة.. وقد بدأت هذه النظرية تتبلور فى ذهنى وأنا فى سن صغيرة، وظلت تتطور يوما بعد يوم، إلى أن أصبحت نظرية فيسبوكية بحته يمكن تطبيقها على كثير من ملاك صفحات "الفان".

معنا للإحراج

الابلك معدما

عفوا..

برمجة

ما أُخذ بالبرمجة لا يُسترد إلا بالبرمجة

Wall Photos

Back to Album · Book Photos

Previous Next



رسم توضيحي لماكينته التي يدخلها فيها من ناحية..
تطلع من الناحية الثانية دولارات

In this photo: Central profile (photos)

From Book Album:
Wall Photos

Share

Tag This Photo

Report This Photo

هذه الفكرة جعلتني أشعر أنني شريك بروفائلي في أرباح الفيس بوك السنوية، فإن كل مشاركة لي، تسهم بجزء من دخل هذا الموقع، فأنا أكتب إستاتيوس بشكل يومي، تحظى بإعجاب أصدقائي وتعليقاتهم، كما أنني "أذمن" في جروب كتابي السابق الذي به أكثر من ٣٠٠٠ عضو، وعندما أقوم بعمل Share لأي فيديو، أضيف جملة تعبر عن رأيي في هذا الفيديو، وتكون جملتي هي نواة تعليقات أصدقائي، لهذا أستحق أن أكون شريكا بالمجهود.

ومن هنا، فكرت أن أفعل شيئا أستعيد به حقي المسلوب، فكما قام مارك باستغلال حياتي وأفكارى ووقتي -أنا وغيرى- وتحويلها إلى موقع إلكتروني ناجح واسع الشهرة، قمت أنا باستغلال شهرة الموقع وتأييف كتاب عن الفيس بوك، وهنا تكمن البرمجة.

Notes

برمجة

فى أحد مشاهد فيلم "عائلة زبرى"، يحكى الفنان فؤاد المهندس لوالد خطيبته عن الماكينة التي اخترعها الألمان، ويقول له "الألمان اخترعوا ماكينة يخش فيها الثور من ناحية، يطلع من الناحية الثانية سوسيس"، وإن هذه الفكرة جعلته يقوم بتصنيع ماكينة، يدخل فيها القطن من ناحية، يطلع من الناحية الثانية توب قماش، وهو ما حدث بالفعل في نهاية الفيلم، وجميعنا نتذكر مقولة "الماكينة طلعت قماش".

أن يتحوّل الثور إلى سوسيس، والقطن إلى قماش.. منطقي، ولكن غير المنطقي أن يتحول القطن إلى ثلج، أو يتحول الماء إلى قماش مثلا، وهذا هو ما فعله أصغر ملياردير فى العالم "مارك زوكربيرج"، مؤسس موقع الفيس بوك، عندما حوّل أشياء لأشياء أخرى، لم يكن أحد يتخيل إنها ممكن تنقذ على بعض.. لم تخرج ماكينة مارك قماشاً كماكينة فؤاد المهندس، ولكنها أخرجت دولارات على الرغم من أن مارك لم يدخل للماكينة ورق نقود، ولكنه أدخل رغباتنا المعلنة والماكينة.

إن مارك زوكربيرج، مبرمج نبغ فى مجال البرمجة بشكل بهر العالم كله، فقد استطاع أن يبرمج وقت وثقافات وعلاقات الشعوب، ويحوّلها -بواسطة مجموعة من الأكواد- إلى مليارات من الدولارات.

.

.

.

.

...

See More

تأميم الفيس بوك

هذا الجزء تخيّل لما كان سيحدث لو نجح النظام في إجهاض ثورة ٢٥ يناير، ولم تتطور الأحداث لتنحّي مبارك، بالتأكيد كان أول ما ستفعله الحكومة هو الانتقام من رموز هذه الثورة، الذين من أبرزهم الـ Facebook.

- فرض عقوبة وغرامة مالية على كل من يمتلك حسابين فى وقت واحد، دون أخذ موافقة من الجهات المختصة.
- لا تطبق رسوم التسجيل المالية المقررة على كل من هيئات الشرطة والجيش ورؤساء تحرير الصحف القومية.
- تعيين تامر أمين مُتحدّثًا إعلاميا للفيس بوك، وتخصيص فقرة أسبوعية فى برنامج "مصر النهارده" بعنوان (من أجل حياة فيسبوكية أفضل).
- يُطبق قانون الطوارئ، وتعتبر الإستاتيتوس دليل إدانة يُعتدّ به فى أقسام الشرطة والنيابات العامة.
- يحصل الفيسبوكاوى على اشتراك إجبارى مدى الحياة فى الصفحة الرسمية للحزب الوطنى، لا يمكن إلغاؤه.
- إضافة سبب جديد إلى أسباب عمل الـ Report الشخصى وهذا السبب هو «لدواع أمنية».
- الموقع تابع لوزارة الداخلية، ويحق لوزير الداخلية إضافة أى شخص إلى قائمة أصدقائه، دون إرسال طلب صداقة.
- يحق للدولة إغلاق الموقع فى الأوقات التى يتراءى لها ذلك دون إبداء أى أسباب.
- تستغرق رسائل الإنبوكس من ٣٠ لـ ٤٥ دقيقة للوصول من بروفايل لآخر، حتى تتم مراجعة محتويات الرسالة.

قررت الحكومة المصرية تأميم شركة الفيس بوك العالمية، شركة مساهمة مصرية، وقد أبدى مارك زوكربيرج احتجاجه الرسمى من خلال صفحته على تويتر، بعد أن قام الأمن بإغلاق صفحة مارك الشخصية على الفيس بوك، للتعظيم على الخبر، وقد اتهم مارك ثلاثة من المبرمجين المقربين له بالتورط مع أجهزة الأمن المصرية بتسريب Password الموقع.

بيان الحكومة بعد قرار التأميم:

- التسجيل على الموقع طبقا للرقم القومى.
- تغيير لون الموقع إلى اللون الأخضر بدلا من الأزرق.
- فرض رسوم اشتراك على أى فيسبوكاوى يريد أن ينشئء حسابا جديدا على الفيس بوك.
- يتم تفعيل حساب الفيس بوك خلال أسبوع من تاريخ الاشتراك فى حالة التسجيل العادى، وخلال ثلاثة أيام فى حالة التسجيل المستعجل.
- تجديد الاشتراك سنويا، وفرض غرامة مالية على من يتأخر عن السداد فى الموعد المحدد.
- تُقدّر رسوم تجديد الاشتراك السنوية من قِبَل موظف الفحص المختص، ويكون التقييم تبعا لعدد الفريندز والتعليقات الصادرة والواردة.

استمارة ٦ بوك

جمهورية مصر العربية
وزارة الداخلية
مصلحة الأحوال الفيسبوكية

إجمالي التكاليف ٢٩ جنيه

مشروع فيس بوك لكل مواطن
طلب الحصول على فيس بوك شخصي
طبقا للقانون ١١٢ لسنة ٢٠١١م

البيانات الشخصية

الاسم: اسم الأب بالكامل:

تاريخ الميلاد: اسم الأم:

محل الميلاد: الديانة: النوع:

الحالة الاجتماعية: أعزب متزوج أرمل مطلق

الرقم القومي:

إقرار الفيسبوكاوي

أقر أنا أن جميع البيانات الواردة بهذا الطلب صحيحة ومطابقة للواقع الفعلي مع تحملي جميع الآثار المترتبة على ذلك وعلمي بأن الإدلاء بأى بيانات غير صحيحة فى هذا الطلب، يعتبر تزويراً فى حسابات فيسبوكية يعاقب عليه بالغاء الأكونت، طبقا لمواد قانون العقوبات.

توقيع الفيسبوكاوي _____
تمت مراجعة جميع البيانات الواردة عليه بالاستمارة، ووجدت مطابقة لملف أمن الدولة.
اسم المسئول: _____
التوقيع: _____

ختم الموقع



- تجمع أكثر من ١٠٠ شخص للتعليق على Note يعتبر تجمهرا وخروجاً عن القانون، وقد يؤدي ذلك إلى إخفاء الـ Note أو استبدالها بمقال آخر من أرشيف أى جريدة قومية.
- تجميد أى حساب فيسبوكى يقوم بنشر أى فيديو مخالف للأداب الوطنية التي أساسها التعميم والتنويم الإعلامى.
- إلزام المستخدم بوضع صورته الحقيقية، وحظر استخدام صور ميدان التحرير، إلا إذا كانت للميدان وهو "فاضى".
- إغلاق جميع الصفحات والإيفينتا التى تدعو إلى التظاهر، ثم إعادة هيكلتها وافتتاحها من جديد.
- لا يسمح للعاملين بإدارة الموقع بالدخول على صفحاتهم الشخصية، منعا لإهدار أوقات العمل.. ويُعفى أبناء العاملين من ٥٠٪ من رسوم الاشتراك بالموقع.
- تغيير شكل شعار (لوجو) الموقع، على أن يصممها نفس المصمم الموهوب الذى صمم شعارات الوزارات والهيئات الحكومية.
- على المشترك للمرة الأولى الذهاب إلى مصلحة الأحوال الفيسبوكية فى لاطوغلى، وملء (استمارة ٦ بوك) بنفسه، ثم يمكنه التجديد السنوى من خلال الموقع فيما بعد.
- وفيما يلي نموذج لاستمارة ٦ بوك.

Remove آداب ال

ليه باكينام مسحتنى لما اتخطبت؟

Wall Photos

Back to Album · Book Photos

Previous Next



👤 Pakinam.. To0o0oz Feky :P

In this photo: Fostan Pakinam (photos), 7' ateb Pakinam, alsamaka w Deila

From Book Album:
Wall Photos

Share

Tag This Photo

Report This Photo

ولكن باكينام..
بعد أيام من خطبتها
قررت الانتقام
من كل من تجاهلوا إشاراتها فى رحلة بحثها عن العريس،
وقامت بحذفهم من قائمة أصدقائها.. وطبعاً أنا كنت من الناس
الوحشين دول.
عزيزتى باكينام .. إنتى مش تمام!

Notes

عن آداب الـ Remove

كانت باكينام صديقتى الفيسبوكية، دائمة البحث عن عريس المستقبل، وكانت تضع كل من حولها فى خانة "ليه لا"، وإن البنت التى تتبع هذه الطريقة فى البحث عن الزواج كمن تبحث عن وظيفة تناسبها، فتتقدم بال CV الخاص بها إلى أكبر عدد ممكن من الأشخاص، والأسرع يكون هو الفائز.

كانت لايكات وكومينتات وبوستات وتاجات باكينام تنهال على بروفايلى المستهدف بغزارة.

- Pakinam likes your comment
- Pakinam tagged a photo of you
- Pakinam posted on your Wall

كانت تجيد كتابة الإستاتيوستات الرومانسية ذات المرجعية الدينية (اللهم لا تعلق قلبي بما ليس لي، واجعل لي فيما أحب نصيباً).

كانت عضوة نشطة فى صفحة "لا للصحوية"، ومن وقت لآخر تقوم بعمل Unlike للصفحة، والاشتراك فيها مرة أخرى، مع كل هدف جديد تضعه فى خانة "ليه لا"، حتى تظهر بصورتها البرينة على صفحة الـ Home (لا للصحوية (Pakinam likes)).

وفى يوم من الأيام، أعلنت باكينام عن خطبتها، ويشهد كل الـ Mutual Friends بيننا أننى كنت صاحب أول لايك وكومنت على صورة خطوبتها.

- Congratulations..... u both look amazing :)

النداهة الفيسبوكية

عن أباطرة الصفحات والجروبات

Wall Photos

Back to Album · Book Photos

Previous Next



شكل النداهة قبل أن تتحول إلى صفحة شائعات ونفاهة..
وعلى اليمين مجموعة من الفيسبوكيين المندوهين عندهم
مشائين

In this photo: النداهة (photos), Facebookkayven without eyes

From Book Album:
Wall Photos

Share

Tag This Photo

Report This Photo

إذا كانت الصفحة تدعو مثلا إلى الفكرة (x) فقد يكون أدمن
الصفحة من أنصار الفكرة (o) ويريد الإساءة للفكر الآخر الصامن
الوحيد أن تكون هوية الأدمن معلومة أو تكون الصفحة رسمية.

هناك حادث فيسبوكى شهير لصفحة عرفت إعلاميا بصفحة
"مُدعى الألوهية"، وبالطبع انضم إليها الكثيرون بهدف إقناع
أدمن الصفحة بالرجوع إلى صوابه، أو لقفزه بالشتمام عقابا له
على تطاوله على الذات الإلهية.

بعيدا عن أن الانضمام إلى الصفحة أو عمل شير لها تحت
مسمى (يا ريت يا جماعة كلنا نعمل ريبورت للصفحة دى)
نوع من أنواع الدعاية فى حد ذاته، فإن أكثر ما يدعو إلى
الاستفزاز هو ظهور صفحة أخرى تحمل اسم "ضد صفحة
مُدعى الألوهية"، والتي انضم إليها الآلاف أيضا.

والسؤال هنا، هل يعقل أن نساند حملة ضد المخدرات
شعارها (لا لدماغ الحشيش الجامدة) فنجعل كل من يقرأ
الشعار يبحث عن هذه الدماغ الجامدة ليحترقها!

Notes

النداهة الفيسبوكية

أسطورة "النداهة" معروفة في الريف المصري، وتدور حول
امرأة جميلة، تظهر في الليالي المقمرة في الحقول، لتنادي
باسم شخص معين، فيقوم هذا الشخص مسجورا ويتبع
النداء، إلى أن يصل إليها، وفي محاولة لتفسير الأسطورة،
يرى البعض أن المندوه يستجيب للنداهة نتيجة كبت عاطفي
لديه، فيحاول التنفيس عن هذه المشاعر في صورة هلوسات
إرادية أو لا إرادية (لايكات وكومنتات).


النداهة التى أتحدث عنها هنا ليست أسطورة، فهى تأتى
لنا من عالم افتراضي، ولكنها سرعان ما تتحول إلى حقيقة،
بفعل مشاركتنا لها نحن المندوهين.

النداهة الفيسبوكية هى الصفحات التى ننضم إليها، ونلبي
نداءها لمجرد انجذابنا لاسم الصفحة، دون أن ن فكر لحظة فى
نوايا أدمن الصفحة الذى لا نعرفه.. وبانضمامنا لصفحة فإننا
نضع فى يده قوة هائلة، وهى قدرته على تحريك آلاف مؤلفة
من الفيسبوكيين، وقد تفوق هذه القوة ثقافته ونفسيته، وهنا
تقع الكارثة، وتصبح تلك الصفحات مكانا لانتشار الشائعات
والمعلومات المغلوطة، وفى بعض الأحيان تصبح عنصرا
أساسيا من عناصر إثارة الفوضى الإلكترونية.

قد تنادي النداهة باسم الدين، فتستحلفك أن تجعل هذه
الصفحة رقم واحد على الفيس بوك، وتؤكد عليك أن تنشرها
بقدر حبك لدينك.. ومنهم من تنادى باسم الوطن، فتطلب
منك أن ترسل دعوة لكل أصدقائك إذا كنت تحب بلدك.. الدين
والوطن بالتحديد أشياء غير قابلة للعبث، فلا تنق فى النداهة
إلا لو كان نداؤها معلوم المصدر.

سايكو بوك

حالات فيسبوكية مزمنة



alZostaaaz mo3gaab :D :

From Book Album:
Wall Photos

Share
Tag This Photo
Report This Photo

حالة اللايك اللاإرادي

التعريف بالمشكلة:

اللايك اللاإرادي من أكثر الاضطرابات شيوعا في مرحلة الطفولة الفيسبوكية، وهو عبارة عن الانسياب التلقائي لللايكات ليلا ونهارا.. وتشخيص هذه الحالة يُبنى على عَرَض أساسي، وهو أن يقوم الشخص بعمل لايك على نفسه مع كل مشاركة يقوم بإضافتها.

صفات المصاب:

◦ عندما يكتب إستاتيووس، يكون أول من يضغط Like على كلامه، فتشعر أنه التطور الفيسبوكي للشخص الذي يقول نكتة ويضحك عليها.

◦ ينضم يوميا إلى عدد مهول من الإيفينتات والصفحات.

◦ يعتقد في قرارة نفسه أن كتر اللايكات بتزود المعرفة.

◦ لو سألته "نفسك في ايه؟" ستكون إجابته "بحلم باليوم اللي أقدر أعمل فيه لايك على رسائل الإنوكس".

◦ في حالة إذا ما قرر إضافة تعليق تكون تعليقاته من نوعية:

- Like Awiiii Like.. Like.. Like ;) Like bgd:)
 Likeeeee Dislike :(

Wall Photos

Back to Album · Book Photos

Previous Next



شكرا ع الإضافة

:)))

From Book Album:
Wall Photos

Share

Tag This Photo

Report This Photo

Notes

سايكو بوك

حالة الفريند ريكويست لآى بنت

التعريف بالمشكلة:

هو مرض ذكوري سببه عدوى فيروسية للجزء العلوى للبروفائل، ولسهولة انتشار المرض عن طريق الـ Wall Mutual Friends تكثر أوبئة الفريند ريكويست خاصة فى فصل الصيف.

صفات المصاب:

- يعاني معظم المصابين بحفاف شديد فى عدد الفريندز الحقيقيين فى قائمة أصدقائهم.
- قد يكون هناك غثبان على شكل رسائل صادرة منه، وقيء فى شكل رسائل وارده إليه.
- نادرا ما تُتمثل هذه الحالة خطرا على العقلاء.
- يؤمن بنظرية "البنت لما تقول لأ بيقى قصدها أه يا معلم" فيكرر الفريند ريكويست مرات متتالية.
- إحساس بحرقان مع كل طلب صداقة مرفوض.
- غشاوة بصرية (زغللة) و نادرا ما يحدث فقد تام للرؤية.

حالة النرجسية

التعريف بالمشكلة:

هذه الحالة تترتب على تمركز خزانة العواطف حول بروفايل المصاب، فبدلاً من أن تنطلق البوستات خارجة منه نحو الـ Home، فإنها ترتد منعكسة إلى إنبوكسه ملتفة حول بروفايله، فيصبح قابعا لا يعلّق على مشاركات الآخرين، وفي نفس الوقت يوهّمهم بأنه مهتم بهم كل الاهتمام.

صفات المصاب:

- غير واثق من نفسه إنبوكسيا، وأي نقد لإستاتيوساته يجعله يشعر بالغضب والمهانة والإذلال.
- عمل إيفينت لأى حدث عابر فى حياته لا يعنى أحدا غيره.
- أنانية مُفرطة تظهر فى جميع بوستاته وتعليقاته.
- النرجسية أعلى درجة لدى الفيسبوكاوية خاصة فى فترة المراهقة، ومن أهم مظاهرها كثرة كتابة اسمها على صورة بروفايلها، وكثرة استخدام كلمة "ME".

حالة انخفاض الأكتيفيتز

التعريف بالمشكلة:

من وقت لآخر يشعر كل فيسبوكاوى بشيء من الملل تجاه مشاركات أصدقائه، وانخفاض الأكتيفيتز يتراوح فى شدته ما بين الانخفاض البسيط المزمّن، والانخفاض الحاد الذي يستنزف الطاقة الفيسبوكية بحيث لا يعود قادراً على القيام بمشاركاته العادية، بل قد يؤدي به إلى عمل deactivate لحسابه الشخصى.

صفات المصاب:

- فقدان شهية اللايك، و عدم الاهتمام بفيدوهات اليوتوب.
- سرعة النرفزة فى التعليق على إستاتيوسات الأصدقاء وقد يصحبها حذف صديق أو اثنين.
- يغيّر صورة البروفايل إلى صورة سوداء.
- يقوم بعمل ريفريش لصفحة الـ Home بشكل عصبى تطلعا لأى مشاركة جديدة تُخرجه من حالته.
- الشعور الذاتى للفيسبوكاوى بأنه ليس لتعليقه قيمة.
- فى الحالات الشديدة يولد التفكير الفعلي بالانتحار (إغلاق الحساب الشخصى) أو محاولة الانتحار (إغلاق الـ Wall).

Wall Photos

Back to Album · Book Photos

Previous Next



Like & share baZaa :P :D

From Book Album:
Wall Photos

Share
Tag This Photo
Report This Photo

Notes

سايبو بوك

حالة الكويبي بيست

التعريف بالمشكلة:

هى التطور الإلكتروني لكلمة "بيقولك"، وقد بصاحب الكويبي بيست خشونة فى أطراف الكلام، وغالبية المصابين يعانون من الإحباط والكبت وقلة فرص التعبير المتاحة لهم.

صفات المصاب:

- العجز الفكرى.
- صعوبة بلّغ مشاركاته من قبل أصدقائه.
- إفرازات دموية أو غير دموية من ثثرة تعليقاته.
- فقدان التركيز والحكم على الأشياء والمنطق.
- فقدان الذاكرة قصيرة المدى، فقد يقوم بكتابة أشياء متتالية عكس بعضها دون أن يدرى.
- نشر كثير من الشائعات تحت مسمى "عاجل غير مؤكد".
- قد يصاحب الإصابة مرض تاج الصور المتعددة.

قصائد فيسبوكية

تعايش الإنسان وتعلقه بالأشياء يُولّد داخله مشاعر، بعضها سلبى وبعضها إيجابى، مثل المشاعر الفيسبوكية الموجودة داخلنا، ولا يدرك قيمتها غير الفيسبوكيين أمثالنا، وقد حاولتُ فى هذا الجزء إخراج أحاسيسنا الفيسبوكية المغلقة عليها لابتوباتنا فى شكل قصائد شعرية.

أنا فيسبوكاوية

أنا فيسبوكاوية عادية
 من الفيسبوكيات
 أصحابي ماعدوش الـ 100
 وكلهم بنات
 أنا أصلى بنت جد
 مابضيفشى أى حد
 ويخاف على صوري جدا
 ويقول يارب اكفيني
 من شر واد منفسن
 ياخذ صورتي وينذيني
 يحب أكتب دعاء من وقت للثاني
 أو أكتب كلمة حب عن حاجة نقصاني
 وإن حد من صحباتي عملت لى Tag فى صورة
 أرد عليها أوام
 أنا أصلى مش مغرورة
 أنا فيسبوكاوية عادية
 من الفيسبوكيات
 والساعة 5 الصبح.. ومفيش غيرى على الشات

In this poem: فيسبوكاوية فى حالها
 (From 15 to 20 years old)

Single
فى
الـ Relationship

لو لسه بتحب؟!
 طب ليه كُنت Single فى الـ Relationship
 و ليه قالت كلام فى Status كلها كذب
 Add عملت
 من تانى للولاد
 وليه مسحت صورها
 اللي أنا كنت مصورها
 واللى أنا متصوّر فيها
 أنا متضايق ويموت
 ويفكر أكتب Note
 علشان أصلحها بيها
 أنا يومى مايجسوش إنه بجد يوم
 غير لما بشوف صورتها
 وضحكتها على الـ Home
 أنا أكثر فكرة بتجرحنى
 إنها تفكر تمسحنى
 معرفش إزاي ساعتها
 إزاي هييجينى نوم..)

In this poem: فيسبوكاوى صاحبته سابتة
 (From 16 to 24 years old)

صديقي الفكسان

- تخيل لو يوم نسيت
 وغسلت سننك بمعجون الحلاقة
 بدل ما تغسلها بمعجون السنان
 أو افكرت الدنيا برد
 ولبست بلوفر ثقيل بياقة
 ونزلت الشارع حسيت إنك حرّان
 أهو ده اللي بتعمله فيا
 لما بكتب Status وأقول إنى متضايق
 بلافيك بترد عليا
 وبتقّه مشاعري بكلام مش لايق
 يارب تكون فهمت وعرفت إنك غلطان
 يا عزيزي
 يا صديقي
 يا قالش يا فكسان

In this poem: فيسيوكاوى يعانى من صديق لديه من: القلش ما يكفى لتتقيه مشاعر الآخرين (القلش أيضا مالوش سن)

إنبوكسان

- واحد بعث لى كلام
 كلام بقى والسلام
 مقدرش أقول عليه
 كلامه كان أبيع
 قلة أدب.. تجريح
 رديت وقتل ليه
 لو راجل كنت تقول
 كلامك ده على الـ Wall
 لكن إنت أخرك إنبوكسان
 وتبشاش على المنتديات
 وتعيش فيها دور الحسيس
 لكن انت أصلا
 عيل سيس

In this poem: فيسيوكاوية مُتحرّش بها إلكترونيا (التحرش ملوش سن)

حبيبي.. حبي.. حباتي

لايكاتي
وكومنتاتي
ورسائل إنبوكساتي
غضب عني بپروحوا لك
أنا كل يوم
قبل ما أنام
بدخل أشوف
آخر كلام
مكتوب عندك على وووولك
حاولت أمنع نفسي كتير
ما أدخلش عندك
عشان بغير
من كل اللي بيكتبولك

In this poem: فيسيوكاوى غير بيحب من طرف واحد:
(From 16 to 29 years old)

فتاة إستاتيوساتي

36 لايك
و12 كومنت
مفيهمش ولا كومنت
من فتاة إستاتيوساتي
البنيت اللي بحلم بيها
وكلاهي كله عليها
وتملئ بكتب ليها
وتتاجها فى كل نوتاتي
أنا عارف
إنها شايفاتي
أنا حاسس
إنها حاساتي
فى إستاتيوساتي ونوتاتي!

In this poem: فيسيوكاوى شاعر.. بروفايله، هو التطور
الإلكترونى لكشكول الخواطر والأشعار بتاع زمان
(From 24 to 42 years old)

الغيس بوك
فى عصور
"ما قبل الغيس بوك"

القيس بوك فى عصور "ما قبل القيس بوك"

هل كنا سنسمع عن بطولة أحمد الهوّان، المعروف بجمعة الشوّان.. الذى عرض حياته للخطر لمدة 6 سنوات من أجل الحصول على جهاز إنذارى، أم أن وجود الإنوكس كان سيجهض الفكرة أصلاً!

ما الذى كان سيحدث لو كان القيس بوك جزءاً من طفولتى أنا مواليد الثمانينيات، بالتأكيد كانت صفحات الشمعدان وبمبم واللبن السحرى ستتصدر المشهد القيسوكى، وفيديوهات بقلط وكعبول والكابتن ماجد وحلقات كوكي كاك ستكون الأكثر مشاهدة على اليوتيوب.

إن مجرد تخيل وجود الموبايل فى فيلم أبيض وأسود كافي لإنهاء أحداث الفيلم من أول مشهد، فما بالك بوجود القيس بوك فى أحداث تاريخية لم يكن موجوداً فيها أبسط أنواع الاتصال، بالتأكيد كان ذلك سيغيّر مسار التاريخ تماماً.

نخرج من هذا الهذيان بنتيجة مهمة، هى أن الأجيال القادمة أفضل حالاً منا فى معرفة تاريخهم بالدلائل ودون تزييف، لقد تعلمنا تاريخنا على طريقة "انظر الشكل التوضيحي"، ولكنهم سيتعلمون على طريقة "شاهد هذا الرابط على اليوتيوب".

القيس بوك فى عصور "ما قبل القيس بوك"

ماذا لو كان القيس بوك موجوداً من قديم الزمان؟!

هل كنا سنسمع عن خبر اكتشاف جروب مقبرة الإسكندر الأكبر! ومن خلال الصور والمعلومات الموجودة كنا سنتوصل إلى مكان المقبرة المجهول حتى الآن.. لعلنا كنا سنجد على اليوتيوب تسجيلاً نادراً لمحاورات سقراط، يرجع تاريخها إلى عهد البطالمة.

هل كنا سنجد إيفينت لمذبحة القلعة، والمماليك عاملين أتدنينج فيه، ثم بعد انتهاء المذبحة يقوم محمد على بنشر صور المماليك المفتوك بهم عبر صفحته الشخصية، ويضعهم فى قائمة سوداء ويكتب معلقاً "أديسيس خرسيس".

بالتأكيد كنا سنجد صفحة "كلنا سليمان الحلبي"، ولعل أحد الناشطين فى ذلك الوقت كان سيرك تعليقاً مكتوباً فيه "اللى حصل لسليمان ممكن يحصل لأى حد فينا.. لا للخزوقة".

لعلنا كنا سنجد إيفينت مسيرة رد الجميل للملك فاروق! وبالتأكيد كنا سنجد صفحات تناهض قمع البوليس السياسى لطلبة الجامعة، هل كانت سننشأ صفحة لمساندة الرئيس محمد نجيب، ترفض خلع وتحدد إقامته، وهل كان ذلك سيؤثر على شعبية جمال عبد الناصر؟

هل كان سيتم عمل إيفينت لأحداث (18 و19 يناير 1977) وهل كان السادات سيقطع التت وقت حدوث المظاهرات التى أطلق عليها انتفاضة الحرامية فيما بعد، وهل كان قطع التت سيؤدى إلى تغيير مجرى الأحداث.


الغيس بوك فى عصور "ما قبل الغيس بوك"

- حملة المطالبة بالعفو عن سنوحى، الذى كان قائد جيش الملك أمنمحات الأول.
- أحدث الأواني الفخارية.
- لا للضرائب الباهظة.
- مواقبت فيضان النيل.
- لفائف سرّية من ورق البردي.
- قدّم قربانك وحافظ على دينك.
- محبو الوزير والمهندس الشهير أيمحوتب.
- من فيديوهات الفراعنة على اليوتيوب:**
- شاهد بالدليل إختاتون وأسرته يتعبّدون لقرص الشمس.
- لقاء فرعون بسنوحى بعد العفو عنه.
- العجلات الحربية تدهس أحد المطالبين بسقوط رمسيس الثانى.
- الفيديو الذى أبكى سنوسرت الثالث.
- الحقيقة وراء بعثة الملكة حتشبسوت إلى بلاد بونت.

الغيس بوك فى عصور "ما قبل الغيس بوك"

مشاركات قدماء المصريين على الغيس بوك


صفحات فرعونية:

- لا لتغيير اسم مدينة منف إلى ممفيس.
- مينا موحد البلاد.
- الصفحة الرسمية للعجلات الحربية.
- شهداء معركة فادش.
- لا لمعاهدة رمسيس الثانى مع ملك الحيثيين، دم شهداء فادش مش هيروح هدر يا رمسيس.
- اجعل صفحة ملك الآلهة آمون رقم واحد على الغيس بوك، انشرها بقدر كرهك لرع.
- رابطة كارهي الهكسوس.
- صفحة آمون معبود طيبة، انشرها ولك البعث والخلود.
- زهرة اللوتس فوق الجميع.
-  (جروب لم يتم اكتشافه بعد).
- الموضة الشتوية ملابس كنانية منسوجة بالأنوال اليدوية.

Wall Photos

Back to Album · Book Photos

Previous Next



رسم فیسبوک قديمه (تشبه إلى حد
كبير ال Icons الموجودة حاليا)

From book album:
Wall Photos

Share

Tag This Photo

Report This Photo

Notes

الفيس بوك فى عصور "ما قبل الفيس بوك"

إستاتوسات فرعونية:

- يا ريت يا جماعة نبتل نكتب باللغة الديموطيقية الدارحة دى.. عايزين نحافظ على لغتنا الهيروغليفية المقدسة.
- الذى لا يجمع الحطب فى الصيف، لن يحصل على الدفء فى الشتاء.
- علم ابنك الكتابة والحرث وصيد البنات.
- عندما يحلّ غضب "رع" ببلد، يسقط فيها الفرعون.
- ألعاب فرعونية (Game Requests):
 - المبارزة.
 - حمل الأثقال.
 - المصارعة.
 - صيد الحيوانات البرية.
 - قنص الطيور بعضا الرماية.

Faceb  k

الملك فاروق (1937 م)

Faceb  k

بعد ثورة 23 يوليو ورحيل الملك عن البلاد (1952 م)

فيس بوك

بعد تأميم قناة السويس (1956 م)

facebook

مارك زوكربيرج - بعد طرح الموقع للبيع ضمن برنامج الخصخصة (2004 م)

f  c e B o o k 

العصر الفرعوني (3200 ق.م)

العصر اليوناني (333 ق.م) - العصر الروماني (30 ق.م)

F A C E B O O K

العصر القبطي (383 م)

 Face book 


العصر الإسلامي (641 م)

Faceb  k

محمد علي باشا (1811 م)

الآن من فيس بوك...

فيس بوك Extra Friends غير المحدود



سعر موحد للصديق لأي جنسية فى العالم



ارتباط عاطفى
(Aiwa BaZa)



صور أصحابك
الشخصية جدا



العاب



فديوهاون
حظرة



رسائل
بلا حدود

facebook

هذا العرض سارى لفترة محدودة
لزيد من الخطوات تجاه الأصال بخدمة العملاء
نطبق الشروط والأحكام

أول إعلان بعد خصصة الموقع (على طريقة عروض شركات المحمول)

الأهرام ١٩٥٦

أيها الجمهور

الكرسى

نعلت بكك ممنونية
عن فتح باب التسجيل
لكك فئات الشعب



فتاة حسناء

رجل
أخلاقه بطانة



شاب
غرضه نبيل



بروفائلات

للأولاد والبنات والرجال والسيدات

فيس بوك

للاستعلامات وجميع طلبات الاشتراك

اتصلوا بتليفون رقم ٧٦٦٦٦

إعلان عن فتح باب التسجيل للجمع (بعد أن كان مقصورا على الأثرياء والمشاهير)

أمثال فيسبوكية

- البنت اللى تمسحك لما تتخطب، ماتقلقش.. هترجعك تانى لما تتجوز.
- أما البنت اللى تمسحك لما تصاحب.. برضه ماتقلقش.. هترجعك تانى لما تفرکش (بس على الله تشد حيلك بقى المرة دى).
- صاحبك يكتب لك فى إن بوكس مقفول.. وعدوك يفضحك على ال Wall.
- اللى حايشنى عن ريموفك.. إنك مش فريند.
- يا خبر النهارده بفلوس.. بكره هيبقى ع ال Wall.
- عزيزتى الفتاة الرقيقة.. مش كفاية صور دبايب بقى؟!
- الفيس بوك خلاص ماعدش زى زمان.
- لو كانت ع الفيس بوك.. لأضفتها.
- قال يا فاكسين.. يكفيكوا شر القلشين.
- البروفایل بيان من صورته.
- البنت اللى ليها أكويتين.. كلامها له معنيين.
- الشماتة تيان.. فى كومنت الشمتان.

- الأمثال والأقوال الشعبية بتعبّر عن التجارب الإنسانية اللى مرت على المجتمعات من قديم الزمان، من خلال مواقف استطاع الناس صياغتها فى جمل قصيرة، وبما أن الفيس بوك هو مجتمع حديث النشأة، فالمفترض إن جيلنا هو اللى يتولى مهمة تأليف «الأمثال الفيسوكية» للأجيال القادمة، وأنا من هنا بسجّل أول شويّة أمثال فيسيوكية:
- تعرف فلانة؟.. أه أعرفها.. شفت الإن بوكس بتاعها؟.. لأ.. يبقى ماتعرفهاش.
- يا مآمن للبنات.. اوعى تخدعك اللايكات والكومنتات.
- اللايك.. هو كومنت صاحبه ماعرفش يكتبه.
- إستاتايوس من غير تعليقات.. فائلة من غير حمّالات.
- البروفایل من غير Wall.. باب مقفول.
- كله بالعناد.. إلا ال Add.
- اللى ماتقدرش تقوله فى وشها.. اكتبه ع ال Wall عندها.
- اللى تعرف ديتّها.. ضيفها.
- ريموووفنى.. وريحنى من العذاب اللى أنا فيه.
- يموت الفيسبوكى وكيبورده بيلبع.

- اللي يعمل نفسه Wall.. يستحمل قلس العيال.
- اللي يعمل لحد Add ويقول "هاى ممكن نتعرّف" ملوش مكان هنا.. مكانه الحقيقى فى المنتدى اللي جنبنا.
- كوى بيست.. كوى بيست.. كوى بيست.. لو مش هتفكر قبل ما تكوى! يبقى لازم تعقلها قبل ما تبيست.
- اللي تابعنى وواجه قلبى.. إن الفيس بوك بتاعها عربى.
- إن كبر ابنك اعمل له Add.
- لا تضيف العبيط.. ولا تخلى العبيط يضيفك.
- آخر المعروف.. تعملى ريموووف!


- قليل القُول.. ينام مرتاح الـ Wall.
- أنت متجوزنى ولا متجوز الفيس بوك (من زوجة غير فيسبوكية لزوجها الفيسبوكى فى الـ Weekend).
- الأكونت اللي بيتقفل ما بيرجعش.
- الفيس بوك حاجة والفيس نو فيس حاجة تانية خالص.
- اللي ما يضيفنيش.. ما يلزمنيش.
- اعمل شير قبل الغير.
- اللي ما يعرفش.. يقول 100000.
- لو لم أكن فيسبوكيا لوددت أن أكون فيسبوكيا.
- كل واحد أدري بانبوكسه.
- البروفایل بروفايلك.
- ساعة لشغلك وساعة لفيسبوكك.
- واحد قفل بروفايله.. التانى تعبان ليه!
- مهما كانت الصورة عجبك.. أرحوك.. عشان خاطرى.. اوعى تعمل لى فيها Tag (عن صور الورد والفراشات والافتكاسات).

حصّة تربية فيسبوكية

Netiquette

مختارات من كتاب التربية الفيسبوكية

- الفيس بوك يقرّب البعيد ويبعد القريب.. البعيد بتعرف أخباره اللى إنت كده كده مش هتعرفها من غير فيس بوك.. أما القريب بعد ما كان بيبتكر عيد ميلادك لوحده، بقى فيه حاجة بتفكره، وبدل ما كان بيتصل بيك، بقى بيكتبلك ع ال Wall.
- زى ما عيب إنك تتلصص على حد من شباك مفتوح وتشوف هو بيعمل إيه بدون علمه.. عيب إنك تدخل عند حد مانعرفوش مش مزبّط ال Privacy بتاعته.
- قبل ما تبعت لحد طلب صداقة، لازم تكون تعرفه، أو يكون عندك سبب مقنع للإضافة، غير إن صورته عجبتك.
- لو جمعنا مليون شخص فى صفحة عشان نقفل صفحة ثانية، نبقى عاملين زى اللى بينفخ بالونة عشان يفضى الهوا من بالونة ثانية، ومش بس كده، ده إحنا كمان بنعمل دعاية مجانية للبالونة المنفوخة وينفخها زيادة.
- إدارة الفيس بوك غير مسنولة عن فقد متعلقاتك الشخصية، وخصوصا الصور.
- اوعى تصدّق كلام البنات لبعض ع ال Wall وخصوصا جملة: wa7shtery.. luv u ya gamila
- تركيب الصور بالفوتوشوب للشخصيات العامة أسلوب رخيص للتعبير عن الراى، مهما كان اختلافا معاها.



الفيس بوك للجميع

:D XD

From Book Album:
Wall Photos

Share

Tag This Photo

Report This Photo

أتذكر نصائح وتوجيهات أبى وأمى عن آداب الكلام والطعام والمذاكرة وغيرها من النصائح التى توزّع مجانا فى البيوت المصرية، وتحفظها جميعا عن ظهر قلب، لكن بالطبع لا أجد أى نصيحة عن آداب الحياة الفيسبوكية، والنتيجة أن كثيرا متّا يعانى من "قلة رباية فيسبوكية"، وهذا جعلنى أتخيل ماذا لو كان هناك كتاب للتربية الفيسبوكية يدرس فى المدارس، كان هيبقى مكتوب فيه إيه؟!

- ماحدش بيختار شكل ال Home بتاعته، لكن اختيارك لأصدقائك هو اللي بيحدد شكلها.
- أفضل الطرق للرد على الصفحات المسينة، إنك تعمل Report للصفحة فى صمت.
- لو شفت حد عامل لايك على صورته، وكاتب تحتها "ههههه" ما تفكرش كثير.. مش كل حاجة فى الدنيا ليها تفسير.
- عناوين فيديوهات اليوتيوب مش لازم تكون معبرة عن محتوى الفيديو، ولكنها بتعبر عن وجهة نظر اللي عامل Upload للفيديو.. شوف الفيديو بعقلك مش بعقل غيرك.
- البروفايل اللي من غير صورة ولا اسم حقيقى... زى طبق السلطة اللي من غير طماطم.. اوعى تقرب منه.
- مقياس نجاح أى موقع إخبارى فى زيادة عدد زواره.. وأسهل طريقة لزيادة العدد هى العناوين المستفزة.. خليك بارد وما تسمحش لحد يسخنك.
- اتصوّر صورة حلوة وخليها صورة بروفايلك، بدل الصور التعبيرية وصور المشاهير.. مفيش أحلى من صورتك تعبر عنك.
- ما تصدقش الصفحات اللي من نوعية غير لون الفيس بوك أو اعرف مين بيدخل على بروفايلك.. أى حاجة عن الفيس بوك وكيفية استخدامه هتلاقها فى ال Help Center مش فى صفحة عاملها واحد دماغه فاضية.

- لو عندك موهبة ومتهيل إن إرسال رسايل للنجوم على الإنوكس هو اللي هيخليك توصل لحلمك، يبقى إنت ماخدتش بالك إن النجم اللي بتبعته له عنده آلاف غيرك، وإنت بالنسبة له مجرد شخص مستنى فرصتك تجيلك جوه إنوكس من دهب.
- موهبتك تقدر تثبتها بفيديو على اليوتيوب، وحلمك هيتحقق لو الناس اللي ماتعرفكش عملت Share للفيديو بتاعك.
- لما تكتب جملة أو مقوله مش بتاعتك.. اكتب جبتها منين، ولو حد قال لك "حلوة أوى" اوعى تطمع فى الجملة وترد تقول "شكرا.. دى أقل حاجة عندى".
- اللايك من غير سبب، قلة أدب.. يعنى حد كاتب bad mood أو very sick أو بيسأل سؤال محتاج رد، تعمل له لايك ليه؟.. معناها إيه يعنى؟
- بروفايلك الشخصى زى برنامج يومى، إنت اللي بتعدّه وإنت اللي بتقدمه، اوعى تحوّل بروفايلك لبرنامج توك شو.
- ما تيقاش من الناس اللي طول الوقت بروفايلاتنا بتشع طاقة سلبية.. صورة بروفايلك والإستاتوس بتاعتك زى تبسمك فى وجه أخيك كده.. صدقة.
- لما تجاوب على أسئلة من نوعية "ما هو أعظم دين عرفته البشرية؟" ده مش هيفيد البشرية فى حاجة على فكرة.. بالعكس، ده هيوصل صراع داخلى تجاه الدين الأخر.

نصائح وإرشادات (اللى بتبقى على ظهر الكتاب)

- ◉ نحن أمة لها مستقبل فيسبوكى.. بلايكات أبنائها وكثرة تعليقاتهم.
- ◉ من دعائم الفيسبوكية أن تعبر عن رأيك فى حرّية تامة.
- ◉ تعليقك المنفسن دليل على ضعف موقفك.
- ◉ اللايك، والكومنت، والشير، قيم رفيعة يجب أن نحسن استخدامها.
- ◉ مصر تحتاج إلى العقلاء والمفكرين والمبدعين.. فلا تُفْرِط فى الكوى بيست.
- ◉ قوة البروفائيل ليست بعدد الأصدقاء، ولكن بمدى جدّية صداقتهم.
- ◉ حافظ على نظافة ووووولك.
- ◉ ال Tag عادة سيئة، تدمر الصداقة، وتزيد الإيميلات.
- ◉ لكل إنسان فيس بوك وفيس بجد.


- ◉ اللى عنده مستندات بيودّيتها النيابة.. واللى عنده شائعات بيرفعها ع اليوتيوب (غالبا بس مش دايما).
- ◉ اوعى تستسلم للحكم الكنيبة المنقولة، اللى بتفسر إن صمتك لا يعنى جهلك، وإن الحب نادر والصدق غادر.. وروّق كده وقوم شبر أغنية حلوة أو نوت مفيدة.
- ◉ اللايك على نجاحات الآخرين بيحميك من أعراض النفسنة.
- ◉ مش لازم عشان تبقى ثورجى وصاحب آراء سياسية، يبقى نص كلامك شتيمة وسب دين.
- ◉ فى الوقت اللى هتطلب فيه من خطيبتك إنها تمسح زمايلها فى الشغل من على الفيس بوك.. هى بتشوفهم يوميا فيس تو فيس بحكم العمل فى مكان واحد.
- ◉ بروفايلك من الحاجات اللى هتعبش والناس هتفتكرك بيها بعد الحياة ما تملك بلوك من الدنيا.
- ◉ لو عجبك أى جزء فى الكتاب ده وحييت تكتبه كإستاتوس مثلا.. ما تنساش تكتب المصدر (اسم الكتاب أو الكاتب).
- ◉ أما لو كنت من رواد المنتديات وناوى تنزل الكتاب PDF وتكتب تحته "نسألکم الدعاء"، أحب أقول لك إن ده مش عمل خيرى على فكرة، وإذا كان لابد من الدعاء، فحسبى الله ونعم الوكيل فيك.

برّه الصندوق

Wall Photos

Back to Album · Book Photos

Previous Next



رسالة غير إينوكسية تعمل Loading في عقل أحد الفيسبوكيين.

From Book Album:
Wall Photos

Share
Tag This Photo
Report This Photo

أن تقوم بعمل Share تدعم فيه فكرة أو تجربة جديدة.. الشير ممكن تكون رسالة نور.

أن تقوم بعمل Share لنشر شائعات وأخبار كاذبة.. الشير ممكن تكون رسالة دمار.

أن تقوم بعمل Share لشىء من باب الاستنكار، وتكون بهذا التصرف سبباً فى انتشاره.. الشير ممكن تكون رسالة جهل.

أن تكتب عن نفسك فى الـ Info بطريقة حل الامتحانات بتاعة زمان (اكتب كل اللي تعرفه والمصحح هيختار الإجابة الصح) فتكتب أنك قرأت كتباً لم تقرأها وتعدّد هوايات لا حصر لها، المقصود منا كلها توصيل رسالة واحدة.. أنا حد جامد جدا.

إنها رسائل نرسلها ونستقبلها خارج صندوق الإينوكس.

Notes

بزه الصندوق

أن تُكثر من اللايكات لأحد الـ Friends الذى لا تعرفه عن قرب لتلفت انتباهه، فيستجيب لك، وتبدأ اللايكات المتبادلة بينكما، إلى أن تنتهى مرحلة اللايكات بمرحلة الكومنتات، ثم التاجات ثم الشات.. اللايك ممكن تكون رسالة تعارف.

أن تفتح صفحة الـ Home فتجد الفتاة التى تحبها وتريد مصارحتها بذلك، قد قامت بتغيير الـ Relationship Status لتعلن ارتباطها العاطفى، فلا تجد شيئاً تكتبه، وفى نفس الوقت تريد أن يبدو تصرفك طبيعياً، فتضغط Like.. اللايك ممكن تكون رسالة أنين.

أن يقوم أكثر من شخص بعمل Like على كومنت فى إستانتيوس، فإن ذلك يجعل صاحب الإستانتيوس ينفسن على صاحب الكومنت.. اللايك ممكن تكون رسالة غلاسة.

أن تضغط Like على Post بعد وضعه بتوان، فى حين أن هذا الـ Post قد يستغرق دقائق لقرائه أو مشاهدته (ده معناه إنك ما شوفتش حاجة أصلاً).. اللايك ممكن تكون رسالة مجاملة.

أن تفكر فى شخص وتكتب اسمه بالخطأ فى خانة الشير بدل من خانة الـ Search، ثم تقوم بعمل شير للاسم، وعندما تكشف هذا الخطأ ينقطع التيار الكهربائى.. الشير ممكن تكون رسالة فاضحة.

أن تقوم بعمل share لكلام يتحدث عن المشاعر والتضحية فى الحب، فى الوقت الذى يفتقد واقعك كل هذا.. الشير ممكن تكون رسالة حرمان.

أرواح فيسبوكية

حدث بالفعل

Wall Photos

Back to Album · Book Photos

Previous Next

batetooz

رنا برحمتك يا أحمد، ماكنتش عارف إنني شرعل عليك أوي كده، أو يمكن ماكنتش عارف إن حد فينا ممكن يموت دلوقتي، عمال أفكر لك حاجات كثير.

افكرت أول يوم اتعرفت عليك فيه، وافكرت كمان لما مرة كنت مروح من الكلية وبالك صدفه وأنا ماشي عند الأوبرا، وكفلنا اليوم سوا، كأننا كنا متفخين نتقابل، وهبعت أحبكك عن البنيت اللي كتبت بجمعها أبامها.

افكرت كمان أول شعلة عملتها، كنت إنت اللي ساعدتني فيها، وافكرت لما فابلتك من 3 أسابيع في كوستا اللي في روكسي، وكنا ناويين نعمل جاجه سوا وقتت لي "لو عملنا الموضوع ده أنا هضيف سعادة لسعاداتي".

افكرت كمان لما مرة زعلنا من بعض، وقعدنا شوية متخاصمين، وندمت أوي إننا ضيقنا وقت في الخصام، إلا هم ليه الناس يا فتح الله بيضعوا وقتهم في الزعل والخصام؟ عشان يحي الموت يا حد وأحد منهم ويبنوا عاملين زي كده، يفكروا الحاجات الحلوة، ويندموا على الأيام اللي زعلوا فيها من بعض!

البراء لله

::((

November 26, 2008 at 6:25pm

From Book Album:
Wall Photos

Share

Tag This Photo

Report This Photo

Notes

أرواح فيسيوكية

عندما يفارق الإنسان الحياة، فإنه يترك متعلقاته الشخصية التي تظل تحمل رائحته إلى الأبد، يترك لنا أشياء تذكركنا به طول الوقت، مثلما يترك لنا الفيسوكاوي صفحته الشخصية وبها ألبومات صورة، ومشاركاته المؤرخه بتوقيت حدوثها.

حكى لي أحد أصدقاء والدي أنه أصبح يخاف من بَدَل والده بعدما توفاه الله، وظل هذا الشعور يطارده إلى أن قرر التخلص من كل ملابس والده، لم أفهم كلامه وقتها، ولكنني تفهمت فيما بعد عندما توفي صديقي أحمد فتح الله أو Bateto كما كنا نناديه، لأنني أصبحت أخاف من الدخول على بروفايله.

إن بروفايلات من يرحلون عن عالمنا تتحول إلى قبور إلكترونية، نخاف منها، ولكننا نحرص على زيارتها من وقت للثاني.

ليلة وفاته انبهالت الكتابات على صفحته، وكأننا نريد أن نصرخ صرخة فيسيوكية واحدة نقول له فيها "رد علينا.. إنت بجد خلاص؟ مش هينفع ترد علينا تاني!"

أشتاق لرؤية صورته في صفحة ال Home، ثم ينخلج قلبي عندما أرى صورته بالفعل، ثم أكتشف أن أحد أصدقائنا قام بعمل تاج له في دعاء أو صورة.

دائما أتذكر آخر إستاتبوس كتبها قبل وفاته بيوم:

إن العالم يكسر كل منا بطريقة، و كلِّ منا يصبح أقوى بطريقته
November 25, 2008 at 1:01pm

Chatting

تأملات في الشات

Wall Photos

Back to Album · Book Photos

Previous Next



أنا وصديقي مارك يترج
ده صاحبي ومترجمين في حته واحدة
ياكش هو رينا فترج عليه ونغي عنده الفيس بوويوك
وأنا جيت هنا شترت في اللووووومان
كنا شله واحدة
جئجل
ومارك يترج
وعلى يترج
واسماعيل يترج

...

See More

From Book Album:
Wall Photos

Share
Tag This Photo
Report This Photo

Chatting

تأملات في الشات

◦ رحم الله الفنان الجميل محمد رضا، كان صاحب رؤية إلكترونية دون أن يدري، فقد كان أول من قص الكلا.. (الكلام بمعنى)، أنذره دائما مع كل LOL و brb بكتبهم.

◦ الفرق بين الذين نعرفهم من خلال الشات، والذين نعرفهم في الواقع، كالفرق بين الصور الثابتة و المتحركة، الحركة دائما تظهر الديفوهات.

◦ اكتشفت أنني لا أبوح بأسراري لأصدقائي مثلما أبوح بها، في الشات ورسائل الإينوكس.

◦ لا أجد إجابة لسؤال أمي المعتاد "إنت بتضحك على إيه؟" فتبادر بالإجابة متعجبة "بتكلم حد ع النت!"

◦ للناس ضحكات مختلفة وسمايلي فيس واحد.

◦ لم تكن تسمح لي أن أهاتفها في وقت متأخر، بس كنا بنعمل Chatting طول الليل، وكان الشات خارج حدود الزمن.

◦ ذروة الشات، قبل الفجر بقليل.

◦ الشات ليس مكانا لتنظيف البنات كما يعتقد البعض، بل هو مكان لتلاقي الأفكار المتشابهة، فإن أصبحت العلاقة غير سوية، فأعلم أن العيب في دماغك إنت وهى.

◦ تآتى على الفيسبوكواى فترة يشعر فيها أن ال Chatting أصبح كمسلسلات الدراما المُعادة.

جمل البنات والولاد على ال Chat

على الشات..
البنات يرفعن شعار (لو بتحبها روح لها لحد البيت)
والولاد يرفعون نفس الشعار
ولكنهم يشترطون أن يكون البيت "فاضي".

مش عايزة أنجرح تانى.
جملة استعطفية وتحذيرية فى وقت واحد.



أنا خايف أتعلق بيكى.
بيقولها الولد بعد مرور أيام على تعرّفه بالبت، ولا يوجد مبرر للجملة غير إنه من النوع الخوّاف شوية.



هو غلط بس هنعمل إيه؟
جملة تستسلم فيها البنت لفكرة خاطئة.



ما تجيبى إيميلك عشان شات الفيس بوك بيقطع.
جملة ينتقل بها الولد إلى ال Messenger، حيث الشات الوفير، تمهيدا لمرحلة "هاتى نمرك عشان أرنّ لك لما أدخل أونلاين".



مشكلتي اني حساسة بزيادة.
مشكلة فعلا:)



أنا أول مرة أرتاح لحد كده.
ummmmmmmmm



إنت كده هتخلينى أخاف منك.
لازم تخافى.



حبيت مرة وقررت بعدها ما أحبش تانى.
جملة تمهيدية لجملة "إنت خلتنى أعرف معنى إيه
حب بجد.. وأقدر أحب من تانى".



كنت مصاحب واحدة متجاوزة زمان.
يا واد يا صايغ إنت ;)



إنتى باردة وما بتحسبش.
جملة استفزازية للتحريض على الخطيئة.



أنا بكتب شعر وخواطر.
رومانسى يعنى.



نفسى أنجوز بس ظروفى وحشة.
يعنى ما ترسميش على جواز.



طب هقول لهم فى البيت إيه؟
يعنى هي دي بس المشكلة!



هقوم أصلى الفجر وإنت كمان قوم صلي.
ربنا يهدي الجميع.



عايز أحكى لك وخايف ناخدي عنى فكرة وحشة.
جملة بيقولها الولد اللي عايز يحكى حاجة عيب
عشان يشوف رد فعل البنت، وعلى أساسه يحدد
حواراته القادمة على الشات.



مش عارفه أنا ليه بقول لك كده!
مفيش حد بيقول حاجة وهو مش عارف بيقولها ليه!



أنا حاسس إنى أعرفك من زمان.
بس زمان ماكانش فيه موبايلات (شريف منير - سهر
الليالى).



مفيش بنت ما بتعرفش ترقص.
محاولة إغراء إلكترونية.



Chatting

جمل البنات والولاد على ال Chat

بجترم الولد اللي كده.
;)



بعشق البنت اللي كده.
;)



أنا حاسس إنى بتكلم مع نفسى.
bgd :))))))



مشكلتي إنى بتكلم فى الناس وبخاف أتفهم
غلط.
جملة بتقولها البنت لإقناع الولد قد إيه هى ساذجة
وطيبة وبنت حلال.



حلوة صورتك دى.
(f)



بجد.. ميرسى.. بس أنا بحب دى أكثر.
رد البنت التلقائي على الجملة السابقة.



Chatting

جمل البنات والولاد على ال Chat

أنا كده بجد ممكن أزعل منك.
كده ده اللي هو إيه؟!)



يكون طيب ويحبنى وبس.
ربنا يوفق الجميع.



مش لازم خطوبة بس على الأقل قرابة فاتحة،
أصل هى تضمنه منين بعني؟!
هو بيقتنعا بالصحوية وهى بتقتعه بالجواز.



لا.. احكي أنا بقدر ودماغى كبيرة على فكرة
مش هفهمك غلط.
خليكى فاكرة إنك إنتي اللي قولتى احكي.



ما بفكرش فى الجواز أصلا.
جملة صعب حد يصدقها من بنت.



صحبتى وخطبتها اتعرفوا على بعض من على
القيس بولك.
افهم إنت بقى (:)



Chatting

جمل البنات والولاد على ال Chat

إنا انكلمت معاك عشان حسيتك محترم.
إحساس غير معلوم المصدر.



عارفة!
؟



عارف!
ha



ما زعلتس بس انكسفت.
hehehehe



إنتي رومانسية أوي.
وصف أوتوماتيكي يصف به الولد أي بنت على الشات،
زى ما حد يسالك "إنت منين؟" لو قلت له من كفر
مدغشقر، هيقول لك "أحسن ناس".



ساکتة ليه؟
سؤال يسأله الولد للبننت بعد فترة صمت، وغالبا بيكون
ردّها "كنت بتكلم مع ماما".



Chatting

جمل البنات والولاد على ال Chat

نوايى معايا تليفون.
بيكلم كذا حد في وقت واحد.



أنا بسمع لتامر حاجات معينة مش كل أغانيه.
معناها أنا Cool وعاقلة فى نفس الوقت.



خلّى بالك من نفسك.
حتية إلكترونية.



عندنا شقة فى إسكندرية.
اشمعنى إسكندرية يعنى؟!



ماما بتخاف علينا و بابا مرتبنا أحسن تربية.
يعنى أنا مش بتاعة الكلام ده.



أنا أول مرة أحب واحدة من صورتها.
Big lo0o0o0o0ol



Chatting

جمال البنات والولاد على ال Chat

اوعى تكون بتضحك عليا.
HmMMMMMMMM



ماما بتناديني عشان أحضّر معاها العشا.
جملة بتوصل بيها البنت للولد إنزا ست بيت وشاطرة
ولهلوية.



نتقابل؟.. إنت بتعلم.. كفاية عليك أوى كده.
;))



مايديش إيميلى لحد.
;))



مايديش موبايلى لحد.
;))



اللى حصل النهارده ده باريت ما يتكررش تانى..
ده لو وافقت أقابلك تانى أصلا.
:(:(:(:(



Chatting

جمال البنات والولاد على ال Chat

فرق السن مش مهم عندي.
;))



هو أنا مش تخينة بس مليانة شوية.
مليانة إزاي يعني؟!)



هحط الصورة وأشيئها على طول.
ok;))



إنت حنين بجد.
الرد الطبيعي لجملة "إنتى رومانسية أوى".)



أنا أول مرة أتعرّف على حد من على النت.
وأنا كمان :))



نفسى أتعلم أرقص تانجو.
غالبا بيكون لسه شايف فيلم "السلام والتعبان" على
روتانا سينما ومئاتر بيه.



My Account

بروفایل الكاتب


Arts and Entertainment

Music



More

Books



More

Education and Work

Employers



Graphic Designer

eh ra2ek fe Design alkitab? :D

College



Applied Arts

walahe kanet a7la ayam :)

Basic Information

About Ahmed

لم يسبق له الكتابة بصفة دورية في أي جريدة يومية أو مجلة شهيرة، لم يقم بإعداد برامج، لا يهوى التصوير الفوتوغرافي وما عندوش كاميرا، وليست له مدونة شهيرة، ولم يكن مخرج أفلام قصيرة، ولا حتى ناشطا سياسيا ;)

صدر له ديوان شعر بعنوان "يوميات شاب موكوس" عن دار ميريت، في معرض الكتاب 2010.

يعمل مصمم جرافيك ويهوى الكتابة.. كثيرا ما يفكر أن يستبدل هوايته بعمله وعمله بهوايته فيعمل كاتبا ويهوى التصميم، ولكنه لم يفعلها حتى الآن!

Interested In

YOU ;)

Relationship Status

In a relationship with 12 كومنت 36 لايك و

Sex

Male

Networks

Egypt

Contact Information

Phone Busy :P XPP

Address Cairo, Egypt

Website <http://www.aamegahed.com>

Official Page <http://facebook.com/36like12comment>

Email ahmed@aamegahed.com

Facebook <http://facebook.com/aamegahed>

Twitter <http://twitter.com/aamegahed>

Arts and Entertainment

Movies



ملك وكناية



Pixar Movies



إشاعة حب



الكيت كات



فى شقة مصر
الجديدة



طير إنت

More

Arts and Entertainment

Activities



Reading and Writing :)



Eating :D

More

Interests



Life



Dreaming



Alnas Elgamila

Poke

شكر خاص يعني (:)



Ahmed Al-Sabbagh

Add Friend



Walid Taher

Add Friend



Shaymaa El Gammal

Add Friend



Eslam Omar

Add Friend



Mohm Magdy

Add Friend



Mina Adly Younan

Add Friend



Hosam Mostafa Ebrahem

Add Friend



Yosef Nasef

Add Friend



Ashraf Tawfik

Add Friend



Zeina Jameh

Add Friend



Hany Abdullah

Add Friend



Motaz M. El Shazly

Add Friend



Baba & mama & E7`waty

Add Family



Mohamed Maher

Add Friend



Ahmed Mourad

Add Friend



Mohammed Hussien El-Naggar

Add Friend



----- **(Write Your Name)**

Add Friend

Log out

((: ♥ (F)

◀ إستانتيوس ثم نوت ثم كتاب

بدأت فكرة الكتاب بإستانتيوس كتبت فيها: "تعرف فلانه؟.. أه أعرفها.. شوفت الإنبوكس بتاعها؟.. لأ.. يبقى ما تعرفهاش" ثم كتبت مقالا (Note) بعنوان "أمثال فيسبوكية" نشرته على أحد المواقع الإلكترونية وعلى صفحتي الشخصية، فانتشرت هذه الأمثال كما تنتشر كثير من الجمل دون أن يُعرف مصدرها، وانتشرت بكثرة على المنتديات بعد حذف اسمي واستبداله بـ (منقول).

◀ أهم من الشغل طبط الشغل

الكتابة المتفذلكة عن الفيس بوك تجعل النتيجة تشبه فيديوهات تعليم الويندوز باللغة العربية (أذهب إلى قائمة ابدأ ثم انقر على الزر).

الكتابة عن الفيس بوك بأسلوب الكتابة على الفيس بوك، أي بنفس طريقة كتابة الإستانتيوسات والتعليقات، تجعل الكلام خفيفا يوحي بتفاهة الموضوع (أن تجد "ههههههه" مكتوبة جوه المقال عادى).

عشان كده، الكتابة عن الفيس بوك ليها "طبطة" مش أي حد يعرف يظبطها (طول عمري ما بحبش أشكر في نفسي P:)

◀ الفكرة فى الفكرة على فكرة


لم أقم بتجميع أشهر الإستانتيوسات أو الصفحات لأنها أشياء تعبر عن أحداث تتغير من فترة زمنية لأخرى، ولم أكتب أية إحصائيات أو أرقام عن الفيس بوك، -كما ذكرت سابقا في رسالة مارك- لأنى مش هاجيب التايهة يعنى لما أتكلم عن أرباحه السنوية أو عدد مستخدميه.. الأرقام والإحصائيات لغة فقراء الأفكار.

◀ شكر خاص وشكر خاص جدا

الشكر الخاص، لكل من ساهم في ظهور هذا الكتاب للنور.. أما الشكر الخاص جدا، فهو لكل من له دور في ظهور النور بداخل الكاتب نفسه.. شكر خاص جدا لقارىء هذه السطور. (F) ♥ (:)

Notification

Ahmed Atef Megahed accepted your writer request. **Write on Ahmed's timeline.**

 2 minutes ago

www.facebook.com/aamegahed